



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1563 usque ad annum 1566

**Fleury, Claude**

**August. Vind. [u.a.], 1772**

**VD18 90118626**

§. 119. Pontificis severitas erga Balneum, Corneum, Vitellium, & Bentivolium.

---

[urn:nbn:de:hbz:466:1-67192](https://nbn-resolving.org/urn:nbn:de:hbz:466:1-67192)

ducere posset, hinc corradendis pecuniis unice intentus immodica imposuit tributa, multisque Nobilibus, quorum lites innovabat, molestiam intulit, eosque oppressit. (\*)

Sæcul. XVI.  
A.C. 1565.

§. CXIX.

*Pontificis severitas erga Balneum, Corneum, Vitellium, & Bentivolium.*

Plures insuper arces Joanni Francisco Guidoni Balnei Comiti eripuit, ut illum castigaret ob pecunias, quas in superiori bello prope Cæsenam interceptisse accusabatur: eapropter Papa nunquam permoveri poterat, ut ei veniam impertiretur, quamvis Cosmas Florentiæ Dux, cui hic Comes antea militaverat, & tunc in Germania operam navabat, pro eo instanter deprecaretur. Pariter Vitellii Papæ indignationi erant expositi, quibus litem intentabat propter Tifernum, seu civitatem Castellanam, eoquod ipsi hanc

A a 4 Urbem

(\*) Hæc continuator ex suo Thuano describere non erubuit, cum tamen apud nullum omnino Catholicum scriptorem de ejusmodi exactionibus, & oppressionibus vel verbulum reperire sit, quam sublestæ autem fidei sit Thuanus, ignorare haud potuit.

**Sæcul. XVI.** Urbem sacra Sede vacante iniqua  
**A.C. 1565.** occupassent: præterea Romæ ob eam  
 dem causam Ascanium Corneum Ve-  
 rum bellica laude conspicuum capi, ac  
 que ad arcem S. Angeli deduci iussit  
 Cornelium quoque Bentivolium, ejus  
 que fratres, qui apud Ferrariæ Princi-  
 pem gratia plurimum valebant, Bono-  
 niam vocari præcepit, eoquod ante  
 octodecim annos in ea civitate ob pri-  
 vatas cum Lippo Gisolerio similitates  
 istius ædibus pulverem sulphureum sub-  
 jecissent, eoque accenso illas subvertite  
 dicerentur, discerpto hac in re ipso Lippo,  
 cum autem desuper accusaretur Ben-  
 tivolius, is de prærogativa dignitatis  
 excipiebat, asserens, quod regii Ordini  
 torquatus eques esset, proin coram  
 Rege duntaxat sisti posset, hæ tamen  
 rationes criminis impunitatem a Pon-  
 tifice extorquere haud poterant. Præ-  
 ter hos ipsi etiam Alphonso Ferrarien-  
 sium Duci litem intentabat, illum ac-  
 cusans, quod ministris Pontificiis in  
 jurisdictione Mutinæ exercenda impe-  
 dimentum attulisset. Insuper etiam Ber-  
 zigellæ præfectura Alfonso ducis pa-  
 truum privabat.

Denique a nonnullis hic Pontifex  
 suggillatur, perinde acsi defuncto A-  
 scanio Sfortia Camerarii dignitatem  
 pretio viginti aureorum millium ven-  
 didis-

didisset, & Alexandrum Sfortiam Cardinalem Cameræ Clericum purpura decorasset, ut vacuum hoc Clerici munus denuo vendere posset. (\*)

Sæcul. XVI.  
A. C. 1565.

§. CXX.

*Viginti tres Cardinales a Pio IV. creati.*

Inter hæc oppressiones minime excusandas Pontifex execrationes, quas sibi inde accersebat, se aboliturum arbitratur, si illos Prælatos, qui in Synodo Tridentina suo muneri plene satisfecerunt, in meriti præmium purpura decoraret. (\*\*). Itaque die duodecima Maji viginti tres Præsules Purpuratorum Collegio adscripsit, & quidem novemdecim Presbyteros, & quatuor

Clacon.  
pag. 945.  
Raynald.  
hoc ann. n. 6.

A a 5 tuor

(\*) Hæ calumniæ, cum solus Thuanus eas referat, potius contemptu, quam refutatione explodendæ sunt. Vide Lib. CL. §. LX.

(\*\*) Quod hic transitus, seu paragraphi hujus cum priori nexus sit valde hiulcus, dissimulari posset: quod autem Catholicus Vir non minus puerile, quam impium scoma in opem vocare voluerit, ut connexionem inveniatur, omnino damnandum est: de cetero duntaxat ex his Cardinalibus sunt quatuor, qui in Synodo strenue laboraverunt. Vide Ant. Pagium Brev. hoc ann. n. XCIV.